


## ԿՐԹՈՒԹՅԱՆ ՈՒՈՐՏԻ ԻՐԱԿԻՃԱԿԻ ՎԵՐԼՈՒԾՈՒԹՅՈՒՆ ԵՎ ԶԱՐԳԱՅՄԱՆ ՀԻՄՆԱԽՆԴԻՐՆԵՐԻ ԲԱՅԱՀԱՅՏՈՒՄ

### Հանրակրթություն

**Պատկեր 1 Պետական հանրակրթական ուսումնական հաստատությունների վիճակագրություն**



Մարզում գործող պետական դպրոցների թիվը	Մարզային ենթակայության դպրոցներ						ՀՀ կրթության և գիտության նախարարության ենթակայության դպրոցներ	
	Տարրական	Հիմնական	Միջնակարգ	Վարժարան	Հատուկ	Երեկոյան	Վարժարան	Ավագ
170	154						16	
	4	48	97	2	2	1	3	13



Աղյուսակում ներառված չէ ՀՀ սպորտի և երիտասարդության հարցերի նախարարության ենթակայության «Գյումրու օլիմպիական հերթափոխի պետական մարզական քոլեջը»:

Մարզում գործում են 170 պետական հանրակրթական դպրոցներ, որոնցից 158-ը՝ մարզպետարանի, 12-ը՝ ՀՀ կրթության և գիտության նախարարության ենթակայության: Դպրոցներից 4-ը տարրական են, 30-ը հիմնական, 2-ը՝ հատուկ, 1-ը՝ երեկոյան: Դպրոցներից 9-ն ունեն ավագ դպրոցի 8-ը՝ վարժարանի կարգավիճակ:

**Պատկեր 2 Քաղաքային և գյուղական բնակավայրերում գործող դպրոցների և հաճախող երեխաների վիճակագրությունը**



**Պատկեր 3 2010-2012 թվականների աշակերտների թիվն ըստ ուսումնական տարիների**

Ուսումնական տարի	2009-2010	2010-2011	2011-2012 նախնական
Աշակերտների թիվը (մարզային ենթակայության դպրոցներ)	34170	30054	29492
Առաջին դասարանցիների թիվը	3031	3076	3274
Շրջանավարտների թիվը	3573	–	

2010-2011 ուստարում 9 ավագ դպրոցներ` 2123 աշակերտներով կրթության նախարարության ենթակայության են:

2011-2012 ուստարում 13 ավագ դպրոցներ` 5449 աշակերտներով կրթության նախարարության ենթակայության են:

Դպրոցների և աշակերտների թիվը կազմում էր հանրապետությունում գործող դպրոցների և աշակերտների թվի մոտ 10%-ը:

Դպրոցներից 55-ը (32%-ը) գործում են մարզի 3 քաղաքներում, 115-ը (68%-ը) 112 գյուղերում: Քաղաքային դպրոցներում սովորում էին շուրջ 20500 աշակերտներ (աշակերտների ընդհանուր թվի 56.9%-ը):

Հանրակրթական դպրոցներից 30-ը գործում են բարձր լեռնային, 44-ը` լեռնային, 13-ը` սահմանամերձ բնակավայրերում:


Երկու հատուկ դպրոցները իրականացնում են կրթության առանձնահատուկ պայմանների կարիք ունեցող երեխաների համար նախատեսված կրթական ծրագրեր: Այդ դպրոցներում ընդգրկված էին 171 երեխաներ:

2011-2012 ուստարվանից Գյումրու N1 ավագ, N 7, N 40, N11 և Արթիկի N 1 հիմնական դպրոցները ընդգրկված են ներառական կրթություն իրականացնող դպրոցների ցանկում:

Ոչ պետական 4 հանրակրթական դպրոցներում սովորում էին շուրջ 600 երեխաներ:

2007-2008 ուստարում 1-ին դասարանցիների թիվը 2005-2006 ուստարվա նկատմամբ նվազել էր 738-ով, սակայն 2008 թվականից արձանագրվել է 1-ին դասարանցիների թվի աճ: 2010-2011 ուստարում 1-ին դասարանցիների թիվը կկազմի 3300 (նախնական): Այն 250-ով ավելի է նախորդ ուսումնական տարվա առաջին դասարանցիների թվից: 2011-2012 ուստարում առաջին դասարանցիների նախնական թիվը 3274 է: Այն 200-ով ավել է նախորդ տարվանից:

**Պատկեր 4 2008-2012 թվականների 1-ին դասարանցիների վիճակագրություն**




Հանրակրթության ոլորտում իրականացվող բարեփոխումներին զուգընթաց վերջին տարիներին արձանագրվել է կրթությանը ուղղված պետական ծախսերի աճ: 2010 թվականին Շիրակի մարզի կրթության ոլորտի բյուջետային ծախսերը 2006 թվականի համեմատ աճել են մոտ 44%-ով:


**Պատկեր 5 Հանրակրթական դպրոցների հիմնական ցուցանիշները (2010-2011 ուստարի)**

Տարածաշրջանի անվանումը	Դաս. միջին խտությունը	Ուսուցիչների թիվը	Ուսուցչական դրույքների թիվը	Դրույք- ուսուց. հարաբեր.
Գյումրի	21.9	1527	1359.8	0.89
Արթիկ	17.7	805	611.9	0.76
Ախուրյան	15.1	679	563.0	0.82
Ամասիա	7.4	241	189.7	0.79
Աշոցք	9.0	312	240.2	0.77
Անի	14.0	372	297.5	0.79
<b>Ընդամենը</b>	<b>17</b>	<b>3936</b>	<b>3262.1</b>	<b>0.83</b>

**Պատկեր 6 Դրույք – ուսուցիչ հարաբերությունը ըստ տարածաշրջանների**




**Պատկեր 7 Դասարանի միջին խտությունը ըստ տարածաշրջանի**




Մարզի հանրակրթական դպրոցների դասարանի միջին խտությունը ցածր է հանրապետական միջինից, ինչը պայմանավորված է այն հանգամանքով, որ նորակառույց դպրոցական շենքերի մի մասը ոչ տիպային են և չունեն համապատասխան չափերի դասասենյակներ և, որ մեծ թիվ են կազմում թերբեռնված գյուղական դպրոցները : Այս ցուցանիշը մարզի քաղաքային դպրոցների համար 21.6 էր, իսկ գյուղական դպրոցների համար 13.3 : Ըստ տարածաշրջանների պատկերը ներկայացված է:

**Պատկեր 8 Ուսուցիչների որակական կազմը**



Բարձրագույն մանկավարժական կրթություն ունի մանկավարժների 77.5%-ը, բարձրագույն ոչ մանկավարժական՝ 4,1%-ը, միջին մասնագիտական մանկավարժական՝ 15.1%-ը, թերի բարձրագույն 3,3%-ը : Մանկավարժական կրթություն ունեն ուսուցիչների 92.6%-ը : Միայն միջնակարգ կրթությամբ ուսուցիչներ համակարգում չեն աշխատում : Մանկավարժների 80%-ը իգական սեռի են:

**Պատկեր 9 Արական և իգական սեռի ուսուցիչների թվի հարաբերությունը**



**Ավագ դպրոցների ստեղծման ծրագիր**

Հանրապետությունում 2008-2009 ուստարվանից ներդրվեց առանձին գործող ավագ դպրոցների ստեղծման ծրագիրը : Ավագ դպրոցների ստեղծման ծրագրի փորձնական փուլում ընդգրկված էին մարզի 4 դպրոցներ: Այս դպրոցները գտնվում են առանձնացված կրթական գոտիներում, որոնց կազմի մեջ մտնող թվով 5 դպրոցները 2008-2009 ուստարվա ավարտին վերակազմակերպվեցին հիմնական դպրոցների, իսկ թվով 4 դպրոցների վերակազմակերպումը արդեն ավարտվում է:

2009-2010 ուսումնական տարվանից Արթիկ քաղաքի 2 միջնակարգ դպրոցները՝ Արթիկի թիվ 3 և Արթիկի թիվ 7 վերակազմակերպվեցին ավագ դպրոցների, իսկ քաղաքի մնացած 6 դպրոցները՝ հիմնականի: Այսպիսով Արթիկ քաղաքում ավարտվեց «Ավագ դպրոցների համակարգի ստեղծման» ծրագիրը:


Ներկայումս ծրագիրն ավարտված է: Արդյունքում մարզում գործում են 13 ավագ դպրոցներ, որից 10-ը Գյումրիում, 1-ը Ախուրյանում, 2-ը՝ Արթիկում :

**Կրթության որակական ձեռքբերումներ**

**Պատկեր 10 Օլիմպիադաների աշակերտների մասնակցությունը**

Փուլը	Տարածքային փուլ	Մարզային փուլ	Հանրապետական փուլ
Մասնակիցների թիվը	3198	900	145

**Պատկեր 11 Հանրապետական փուլի արդյունքները**



### **Կրթության մատչելիության ապահովում**

Միջին և ավագ դպրոցներում կրթության մատչելիությանը էապես նպաստեց նոր ներդրված դպրոցահասակ երեխաների հարևան համայնքների դպրոցներ տեղափոխվելու երթևեկության հատուցման ծրագիրը: Այս նպատակով ՀՀ պետական բյուջեից 2009 և 2010 թվականներին թվով 5 դպրոցների հատկացվել է 10875.0-ական դրամ, որով կազմակերպվել և կազմակերպվում է թվով 156 աշակերտների երթևեկությունը:

### **Նախադպրոցական կրթություն**


Մարզում գործում են 49 նախակրթարաններ, որտեղ հաճախում են 4110 երեխաներ: Նախադպրոցական ուսումնական հաստատություններում ընդգրկված երեխաների թիվը դեռևս չի գերազանցում նախադպրոցական տարիքի երեխաների թվի 35%-ը: Խնդիրը մասամբ մեղմվեց «Օգնություն նախադպրոցական տարիքի երեխաներին» ծրագրի ներդրումով, որի արդյունքում մարզի գյուղական համայնքների թվով 13 դպրոցներում բացվեցին նախադպրոցական խմբեր:

Մարզի 119 համայնքներից 60-ում չկան համայնքապատկան համապատասխան շենքեր, 30-ում կան շենքեր (հիմնականում անմխիթար վիճակում), սակայն համայնքների ֆինանսական սակավ կարողությունների պատճառով մանկապարտեզներ չեն գործում: Գյուղական համայնքների ղեկավարների հետ համատեղ աշխատանքներ են տարվում նախադպրոցական կրթության կազմակերպման համար պայմաններ ստեղծելու և այն ավելի մատչելի դարձնելու համար :


### **Շենքային պայմաններ, նյութատեխնիկական բազա:**

Վերջին տարիների դպրոցաշինության համալիր ծրագրի արդյունքում էապես բարելավվել է դպրոցական շենքերի վիճակը: Ներկայումս հրատապ հիմնանորոգման կարիք ունեն Հովունու, Կապսի, Արթիկի թիվ 8 դպրոցների շենքերը : Առաջիկա տարիներին հիմնանորոգման անհրաժեշտություն ունեն ևս 31 դպրոցական և մեկ արհեստագործական ուսումնարանի շենքեր: Ընթացքի մեջ են թվով 8 դպրոցական շենքերի հիմնանորոգման աշխատանքները :

**Պատկեր 12 Դպրոցական շենքերի վիճակը**



**Պատկեր 13 Մարզադահլիճների առկայությունը և վիճակը**



Վերջին տարիներին էապես բարելավվել է նաև դպրոցական շենքերի ջերմամատակարարումը: Գնալով նվազում է հեղուկ վառելանյութի վառարաններ օգտագործող դպրոցների թիվը, ավելանում են ջերմամատակարարման համակարգով ջեռուցվող շենքերը:

Գազիֆիկացված կաթսայից սնվող ջեռուցում է իրականացվում մարզի 60 հանրակրթական դպրոցների շենքերում (36%): Նախորդ տարվա նկատմամբ այս թիվը աճել է 7-ով: 15 դպրոցների դպրոցական շենքեր ջեռուցվում են դարձյալ լոկալ համակարգով, սակայն, օգտագործում են դիզելային վառելիք: Էլեկտրաէներգիայով ջեռուցվող դպրոցների թիվը մարզում 44 է (26%): Հինգ դպրոցական շենքերի ջերմամատակարարման համակարգերի բարելավումը մտած է ծրագիր : Սակայն, դեռևս 42 դպրոցներում ջեռուցումն իրականացվում է հեղուկ վառելանյութի վառարաններով, ինչն իր արդյունավետությամբ, շահագործման հարմարավետությամբ և անվտանգության առումով զգալիորեն գիջում է ջեռուցման վերոհիշյալ ձևերին :


**Ուսումնալարորատոր բազա**

Կարևոր խնդիր է հեռահար ուսուցման համակարգի ներդրումը և դպրոցների, քոլեջների, բուհերի էլեկտրոնային ցանցի ընդլայնումը՝ նպատակ հետապնդելով 2012 թվականին ապահովել բոլոր ուսումնական հաստատությունների ընդգրկվածությունը հեռահար ուսուցման համակարգում : Պա, իր հերթին, ենթադրում է հեռահաղորդակցության և տեղեկատվական տեխնոլոգիաների ներդրման շարունակում ու զարգացում :

Մարզի դպրոցների համակարգչային սարքավորումներով ապահովվածության միջինը կազմում է 1 համակարգչին՝ 24.5 աշակերտ (հանրապետական միջինը 30.2 է ), 2009 թվականին այս ցուցանիշը 1 համակարգչին 30.6 աշակերտ էր (հանրապետական միջինը 40.2 էր) : Ինտերնետին միացված է մարզի հանրակրթական դպրոցներից 97-ը՝ 55.4%: Նախորդ տարվա այս ցուցանիշը 84 էր՝ 47.2 % : Այս հարցում դպրոցներին զգալի աջակցություն է ցուցաբերել Կրթական տեխնոլոգիաների ազգային կենտրոնը (ԿՏԱԿ) :

Նախատեսվում է 2012 թվականի վերջում մարզի հանրակրթական համակարգում մեկ համակարգչից օգտվող աշակերտների միջին թիվը հասցնել 20-ի:

**Պատկեր 14 1 համակարգչից օգտվող աշակերտների թիվը ըստ տարիների**



Կարևորվում է դպրոցների համակարգչային սարքավորումների, համակարգչային ուսումնական կենտրոնների և Հայաստանի դպրոցների ինտերնետային ցանցի (ՀՂԻՑ) հնարավորությունների արդյունավետ օգտագործումը կրթական նպատակներով, այդ թվում նաև դասաժամերից դուրս ուսուցիչների և աշակերտների կողմից ինքնուսուցման նպատակով համակարգիչների ու ինտերնետի օգտագործման հնարավորությունը, դպրոցի էլեկտրոնային գրադարանում առկա ուսումնական ձեռնարկների արդյունավետ կիրառումը ուսումնական գործընթացում, ուսուցիչների կողմից էլեկտրոնային նոր ուսումնամեթոդական նյութերի ստեղծումը :

Պաշտոնական փաստաթղթերը, հրահանգներն ու կարգադրությունները, մասնավորապես միասնական քննությունների և ստուգումների մասին տեղեկատվությունը ժամանակին ստանալու տեսանկյունից չափազանց արդյունավետ է ՀՂԻՑ–ի միջավայրում դպրոցներին տրամադրված էլեկտրոնային փոստի օգտագործումը :

Կրթության ոլորտում S<S ներդրմանն առնչվող հարցերում անհրաժեշտ է համագործակցել ԿՏԱԿ-ի մարզային համակարգողների հետ (անհրաժեշտ տեղեկատվության փոխանակում, կազմակերպական ու խորհրդատվական փոխադարձ աջակցություն և այլն) :

***Առանձնահատուկ պայմանների կարիք ունեցող երեխաների կրթություն***

Համակարգի կարևոր խնդիրներից է նաև կրթության առանձնահատուկ պայմանների կարիք ունեցող երեխաների համար ուսումնական հաստատություններում համապատասխան պայմանների ստեղծումը:

Այն կլուծվի Գյումրի քաղաքի չորս և Արթիկ քաղաքի մեկ դպրոցներ ներառական կրթություն կիրականացնող դպրոցների ցանկում ընդգրկելով:

***Ղասագրքեր***

2011-2012 ուսումնական տարվա համար անհրաժեշտ է շուրջ 35500 կտոր տարրական դասարանների դասագրքեր և ուսուցչի ձեռնարկներ, որից մի քանի անուն ներկրված և պահեստավորված է : Ստացված և պահեստավորված է նաև ՀՀ պետական բյուջեի միջոցներով տպագրված ավագ դպրոցի դասագրքերի որոշակի քանակ: Բացի 8578 կտոր ավագ դպրոցի դասագրքերի, «Ղասագրքերի շրջանառու հիմնադրամ» ծրագրի շրջանակներում պատվիրվել է նաև 56832 կտոր, որից որոշակի քանակություն արդեն ստացվել է : Ստացվել և պահեստավորվել են նաև պաստառներ, քարտեզներ և ուսումնաօժանդակ գրականություն :

Ակնկալվում է, որ դասագրքերի անհրաժեշտ ամբողջ քանակը կներկրվի մինչև սեպտեմբերի 1-ը: Ղասագրքերի բաշխումը դպրոցներին կիրականացվի օգոստոսի 27-ից մինչև սեպտեմբերի 8-ը :